

Na osnovu odredbi člana 43. stav 2. a u vezi sa članom 45. Zakona o budžetima u Federaciji Bosne i Hercegovine ("Sl. novine FBiH", br. 102/2013, 9/2014 - ispr., 13/2014, 8/2015, 91/2015, 102/2015, 104/2016, 5/2018, 11/2019, 99/2019, 25a/2022, 7/2025 i 6/2026), odredbi člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 25. Statuta Grada Srebrenik („Službeni glasnik grada Srebrenik“, broj: 1/24), Gradsko vijeće Grada Srebrenik, na sjednici održanoj dana _____ d o n o s i:

ODLUKU O POKRIĆU AKUMULIRANOG DEFICITA ISKAZANOG U BUDŽETU GRADA SREBRENIK U 2025. GODINI

Član 1.

Ovom Odlukom uređuje se način pokrića akumuliranog deficita iskazanog u budžetu grada Srebrenik u 2025. godini u iznosu od 2.239.722,72 KM, (u daljnjem tekstu: akumulirani deficit) izvori i rokovi za finansiranje akumuliranog deficita.

Član 2.

Akumulirani deficit pokrit će se u periodu 2026 – 2030. godina i to:

- iz planiranog ostvarenja suficita u budžetskoj 2026. godini u iznosu od 500.000,00 KM,
- iz planiranog ostvarenja suficita u budžetskoj 2027. godini u iznosu od 500.000,00 KM,
- iz planiranog ostvarenja suficita u budžetskoj 2028. godini u iznosu od 500.000,00 KM,
- iz planiranog ostvarenja suficita u budžetskoj 2029. godini u iznosu od 500.000,00 KM,
- iz planiranog ostvarenja suficita u budžetskoj 2030. godini u iznosu od 239.722,72 KM.

Član 3.

Ukoliko ostvareni prihodi i primici za neku od budžetskih godina u periodu 2026 - 2030. godina budu u većem obimu od planiranih iznosa, može se izvršiti pokriće akumuliranog deficita i u većem iznosu od planiranog pokrića utvrđenog ovom Odlukom.

Ukoliko ostvareni prihodi i primici za neku od budžetskih godina u periodu 2026 - 2030. godina budu u manjem obimu od planiranih iznosa, pokriće akumuliranog deficita će se izvršiti na način da će se nepokriveni deficit iz tekuće godine srazmjerno rasporediti na preostali vremenski period utvrđen ovom Odlukom.

Član 4.

Služba za finansije i inspeksijski nadzor pratit će realizaciju ove Odluke.

Član 5.

Danom stupanja na snagu ove Odluke prestaje da važi Odluka o pokriću akumuliranog deficita iskazanog u budžetu Grada Srebrenik u 2022. godini („Službeni glasnik općine Srebrenik“ broj: 2/23).

Član 6.

Ova Odluka stupa na snagu sa danom donošenja, a objaviti će se u „Službenom glasniku Grada Srebrenik“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
- GRADSKO VIJEĆE -
Broj: _____
Srebrenik, _____

PREDSJEDAVAJUĆI GRADSKOG VIJEĆA

Nisvet Sejdinović

OBRAZLOŽENJE

Na osnovu odredbi člana 43. stav 2. a u vezi sa članom 45. Zakona o budžetima u Federaciji Bosne i Hercegovine („Službene novine FBiH“, br. 102/2013, 9/2014 – ispr., 13/2014, 8/2015, 91/2015, 102/2015, 104/2016, 5/2018, 11/2019, 99/2019, 25a/2022, 7/2025 i 6/2026), člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 25. Statuta Grada Srebrenik („Službeni glasnik grada Srebrenik“, broj: 1/24), Gradsko vijeće je nadležno da donese odluku o pokriću akumuliranog deficita budžeta Grada Srebrenik.

U budžetu Grada Srebrenik za 2025. godinu evidentiran je akumulirani deficit u iznosu od 2.239.722,72 KM, koji je rezultat akumuliranih manjkova iz prethodnih budžetskih godina i usklađivanja bilansa prihoda i rashoda u skladu sa Zakonom o budžetima u Federaciji BiH. Imajući u vidu zakonsku obavezu jedinice lokalne samouprave da obezbijedi plan pokrića akumuliranog deficita u realnim rokovima i iz održivih izvora, bilo je potrebno utvrditi dinamiku i izvore pokrića navedenog iznosa.

Ovom Odlukom predviđeno je da se akumulirani deficit pokrije u periodu 2026–2030. godina iz planiranog ostvarenja suficita budžeta, i to kroz godišnje suficite u 2026, 2027, 2028. i 2029. godini u iznosu od po 500.000,00 KM, te u 2030. godini u iznosu od 239.722,72 KM. Ovakva raspodjela omogućava postepeno fiskalno prilagođavanje bez ugrožavanja izvršavanja osnovnih funkcija Grada i finansiranja prioritetnih programa i projekata.

Odredbama člana 3. Odluke ostavljena je mogućnost da se, u slučaju da ostvareni prihodi i primici u pojedinim budžetskim godinama budu veći od planiranih, izvrši brže pokriće akumuliranog deficita, odnosno da se planirani iznos pokrića u toj godini poveća. Suprotno tome, ukoliko ostvarenja budu manja od planiranih, preostali nepokriveni deficit ravnomjerno će se rasporediti na preostali period do 2030. godine, čime se obezbjeđuje fleksibilnost i stabilnost budžetskog planiranja.

Služba za finansije i inspeksijski nadzor zadužena je da prati realizaciju ove Odluke i o tome redovno izvještava Gradonačelnika i Gradsko vijeće, kako bi se u slučaju značajnijih odstupanja blagovremeno poduzele korektivne mjere u skladu sa Zakonom o budžetima.

Danom stupanja na snagu ove Odluke prestaje da važi ranije donesena Odluka o pokriću akumuliranog deficita iskazanog u budžetu Grada Srebrenik u 2022. godini, budući da se novom Odlukom utvrđuje novi plan i dinamika pokrića akumuliranog deficita u skladu sa važećim budžetskim projekcijama.

Predlaže se Gradskom vijeću Grada Srebrenik da razmotri i usvoji ovu Odluku.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK**

**ODLUKA
O POKRIĆU AKUMULIRANOG DEFICITA ISKAZANOG U BUDŽETU GRADA SREBRENİK U
2025. GODINI**

OBRADIVAČ: Služba za finansije i inspekcijski nadzor

PREDLAGAČ: Gradonačelnik

RAZMATRA I USVAJA: Gradsko vijeće

Srebrenik, mart 2026.